



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dissertationes De Actibus Humanis

Karchne, Simon

Augustæ Vindelicorum & Græcensis, 1716

§. III. An delectatio morosa solius rei mortalis cogitatæ sit mortalis?

urn:nbn:de:hbz:466:1-39981

res sint mala, sive bona, in primo casu præsumitur delectatio de re prava, cui est annexum artificium, in secundo præsumitur delectatio de solo artificio.

Ex hac doctrina dedit ex Salas sequentes præsumi se oblectasse non de artificio, sed de rebus, qui prætextu artificij libentius legunt carmina de obscenis, quam de honestis aequo eleganter compotitis, aut minori aviditate haec, quam illa, aut libentius audiunt turpia, quam honesta.

Secundo illos, qui libentius, ac frequentius sermocinantur de secretis partibus corporeis, de harum morbis, medicinis, vestibus, alijsque ad illas pertinentibus ad risum inservientibus, convinci latentis delectationis carnalis.

Tertio illos, qui facile pluta detinent in turpes sensus, aut utuntur metaphoris rerum turpium.

§. III.

*An delectatio morosa solius rei mortalis cogitata
sit mortalis.*

104. Prima opinio attributa Martino de Magist. apud Pal. I. p. tr. 2. D. 2. p. 10. § 2. num. 1. Sanch. lib: 1. Decal. cap. 2. num. 8. universim negat etiam de materia venerea, nulla enim virtus videtur jubere sub mortali reprimere motus nisi efficaces, & causantes opus. Haec opinio rejicitur ab omnibus cum S. Th. I. 2. quæst. 74. art. 8. & alibi eamque Sanch. post Azor vocant temerariam.

Secunda universim affirmit de omni objecto mortaliter vetito sive jure positivo, sive naturali quoconque ita Valent. I. 2. D. 6. quæst. 4, p. 4. ad fin. Azor p. 1. Institut. Moral. lib. 4. cap. 6. quæst. 1.

Tertia, Vafq. I. 2. D. 111. cap. 3. et si fateatur, quod efficax voluntas in universum sit mortalis de objectis mortali bus jure naturali prohibitis, negat tamen quod delectatio de omnibus ejusmodi cogitatis operibus sit mortalis, dummodo non sit de illis qua ratione peccatum sunt, sed tunc esse mortalem quando malitia delectationis ex se est notabiliter deformis, & opposita alicui virtuti. Nam in principijs Vafq. ut vidimus num. 442. & 505. malitia ex objecto, & circumstantijs non æqualiter derivatur in actum internum inefficacem, qualis est delectatio, ac in internum efficacem, efficax enim est causa operis, secus inefficax, haec enim secundum se primario,

&

& non ex opere ipso mala est. Exemplo probat hanc diversitatem inter affectum efficacem, & inefficacem, sic statuens uxorem ducere, & ad eam accedere, ac cum ea delectari habet efficax propositum, quin hoc sit mortale, econtra peccat mortaliter, si actus se oblectet morose de accessu illo venereo: Religiosus propoenens absque licentia erogare magnam summam peccar mortaliter contra jus naturale, attamen non sit reus mortalis, si cogitatione verteret eandem summam, sive que delectat in ejus erogatione propriâ authoritate, pluribus exemplis firmat *cit. c. 3.* priorem partem sui asserti, cuius dat rationem *c. 4. num. 15.* quod, cum delectatio non defumat malitiam ab opere, utpote hujus non causa, non debat esse mortalis, esto opus sit mortale, econtra voluntas efficax operis cum sit causa hujus, semper est mortalis: posteriori partem ostendit allatum exemplum de proponente ducere uxorem, quod est licitum, cui tamen delectatio morosa de copula est mortaliter illicita ob magnam deformitatem cum castitate. Alijs exempla adducit in alijs materijs *c. 4. num. 16.*

Quarta opinio distinguit inter prohibita jure naturali, & inter prohibita jure positivo: delectatio de prioribus semper est mortalis, non item de posterioribus, *Leff. Lib. 4. de Just. c. 3. n. 113. & 115.* *Vafq. D. 110. c. 2.* *Pal. nn. 22.* *Sanch. num. 10.* ex communi. Ubi dat differentiam inter delectationem de prohibitis jure naturali, & solo jure positivo, quod malitia, cum sit de eorum substantia, qua jure naturali prohibentur, nequeat ab his separari, proinde de-

R. P. Karch. Diff.

lectatio capta de eorum substantia pro objecto habeat ipsam malitiam mortalem, econtra actus vetiti solo jure positivo intrinsece, seu in substantia careant omni malitia in se, & duntaxat sunt mali extrinsece, seu ideo praeceps, quia sunt prohibiti, à qua circumstantia cum intellectus possit praescindere, sequitur, quod voluntas de illis presentatis ut praecisis possit se delectare sine culpa, Hæc ratio est etiam *Pal. Leff.*

Vafq. licet amplectatur horum sententiam impugnat tamen rationem allatam: ideo enim, inquit, die jejunij delectans in cogitata cena, & esti carnium non peccat, quia delectatio capit ex substantia cœnae, ac esti carnium, quæ quid bonum est: sed hæc eadem ratio potest habere locum in vetitis jure naturali: Religiosus enim potest se apprehendere sub eo statu, in quo actus conjugalis est illi in substantia illicitus, ergo licet jure naturali pro statu Religioso sit illi opus pro statu Religioso sit illi opus prohibitum, consequenter etiam voluntas efficax, delectatio tamen morosa liecabit illi de actu conjugali apprehensione pro statu, in quo actus conjugalis illi licitus sit, aut foret.

Ipsæ ergo ex suo superius insinuato principio docet ideo de rebus jure positivo vetitis delectationem morosam non esse mortaliter illicitam, quia delectatio utpote simplex affectus non accipit malitiam ex opere externo, circa quod versatur, sed si est mala, habet malitiam secundum se oppositam alicui virtuti, qualis saltem lethalem non habet delectatio de actibus jure positivo vetitis, esto habeat actus efficax.

Fiff

Restat

Restat modò decidere , quid sensiendum de relatis his quatuor opinionibus. Ordinar à vetitis jure naturali , &

quidem primo de materia venerea , postea de distinctis ab illa , & tandem de rebus jure positivo inhibitis.



§. IV.

An delectatio morosa de re venerea semper sit mortalis in Personis solutis.

¶ 05. **M**orosa delectatio de rebus venereis est voluntaria simplex complacentia de spectantibus ad venereum absque animo eas opere implendi conformiter stabilitis num. 799. ¶ 800. nomine hujus venit carnalis delectatio ex copula , aut pollutione , aut ex commotis spiritibus in partibus generationi defervientibus per num. 721.

Dividitur in spiritualem , & corpoream , seu sensibilem : spiritualis est actus voluntatis sibi complacens in re venerea ab intellectu cogitata : si sit delectatio de ipsa cogitatione , an & quantum sit illicitæ , distinctè differui toto §. superiore corporea est actus potentiae corporeæ seu sensitivæ ; subdividitur in corpoream internam , & externam. Externa est delectatio potentiae tactivæ , seu est potentiae sensitivæ externæ sensatio habens pro objecto carnis alterationem , id est , commotionem spirituum venereorum , tactus impudicos , pollutionem , copulam , immo etiam tactus de se pudicos , amplexus , oscula (tactus enim est sensus externus diffusurus non tantum per partes ve-

rendas , sed totum corpus) delectatio itaque externa sensibilis luxuriosa est actus physice elicitus à potentia externa tactiva , causa coëfficiens sunt ipsi carnali spiritus intra ipsam cutem excitati , hōque simul habet pro objecto . Ejusmodi externa delectatio per transmissam à se speciem in sensum corporeum internum communem producit cognitionem , sive cogitationem imaginativam , seu phantasticam , ad quam appetitus sensitivus internus exardest , id est , elicit delectationem internam corpoream de eadem spirituum commotione , ac delectatione externa .

Aliquando ad externam delectationem determinat ipsa hæc interna delectatio corporea excitata ab actu imaginativo repræsentante objectum venereum modo delectabili , quam repræsentationem producunt species relictæ à præterita imaginatione .

Hinc constas esse difficillimum discernere delectationem spiritualem à sensitiva , seu corporea propter individuam utriusque Societatem in nexu potentiarum

rum